


儀禮

冊五

2



儀禮卷九

漢大司農北海鄭玄註

明後學東吳金蟠訂

公食大夫禮第九

公食大夫之禮

使大夫戒各以其爵

戒猶告也告之必使同班敵者易以相親敬○易以豉反敵

上介出請入告

問所以爲來事○爲于僞反下爲既爲從爲公爲賓同

三辭

爲既先受賜不敢當

賓出拜辱。

拜使者屈辱來迎己

大夫不答拜將命。

不答拜爲人使也將猶致也

賓再拜稽首。

受命

大夫還。

復於君

賓不拜送遂從之。

不拜送者為從之不終事

賓朝服卽位于大門外如聘

於是朝服則初時玄端如聘亦入于次俟

卽位具

主人也擯者俟君於大門外。卿大夫士序及宰夫具其饌物皆於廟門之外。

羹定

肉謂之羹。定猶熟也。著者下以為節。○定多佞反之。

甸人陳鼎七當門南面西上設扃鼎。鼎若束若編。

七鼎一大牢也。甸人冢宰之屬兼享人者。南面西上。以其為賓統於外也。扃鼎扛所以舉之者也。凡

鼎。鼎蓋以茅為之。長則束。本短則編。其中央。今文扃作鉉。古文鼎皆作密。

設洗如饗。

必如饗者。先饗後食。如其近者也。饗禮上燕禮則設洗於阼階東南。古文饗或作鄉。

小臣具槃匱在東堂下。

爲公盥也。公尊不就洗。小臣於小賓客饗食。掌正君服位。

宰夫設筵加席几。

設筵於戶西南面而左。几公不賓至授几者。親設涪醬。可以略此。

無尊。

主於食。不獻酬。

飲酒漿飲俟于東房。

飲酒清酒也。漿飲。載漿也。其俟奠於豐上也。飲酒先言飲。明非獻酬之酒也。漿飲先言漿。別於六飲。

也

凡宰夫之具饌于東房。

凡非一也。飲食之具。宰夫所掌也。酒漿不在凡中者。雖無尊。猶嫌在堂。

公如賓服迎賓于大門內。

不出大門。降於國君。

大夫納賓。

大夫謂上擯也。納賓以公命。

賓入門左。公再拜。賓辟。再拜稽首。

左西方賓位也。辟。逡遁不敢當君拜也。

公揖入。賓從。

揖入道之

及廟門公揖入。

廟禰廟也

賓入三揖。

每曲揖及當碑揖相入偶

至于階三讓。

讓先升

公升二等賓升。

遠下入君

大夫立于東夾南西面北上。

命東夾南東西節也取節于夾明東于堂

士立于門東北面西上。

統于門者非其正位辟賓在此

小臣東堂下南面西上。宰東夾北西面南上。

宰宰夫之屬也古文無南上

內官之士在宰東北西面南上。

夫人之官內宰之屬也自卿大夫至此不先節位從君而入者明助君饗食賓自無事

介門西北面西上。

西上自統於賓也然則承擯以下立於士西少進東上

公當楣北鄉至再拜賓降也公再拜。

楣謂之梁至再拜者與禮俟賓嘉其來也公再拜賓降矣

賓西階東北面答拜

西階東少就主君敬也

擯者辭

辭拜於下

拜也公降一等辭曰寡君從子雖將拜興也

賓降再拜公降擯者釋辭矣賓猶降終其再拜稽首興起也

賓栗階升不拜

自以己拜也栗實栗也下曰拾級連步趨反主國君之命不拾級而下曰拾級連步趨反主

命之成拜階上北面再拜稽首

賓降拜主君辭之賓雖終拜於主君之意猶為不成

士舉鼎去鼎於外次入陳鼎于碑南南面西上右人抽扃坐奠于鼎西南順出自鼎西左人待載

入由東出由西明為賓也今文奠為委古文待為持

雍人以俎入陳于鼎南旅人南面加七于鼎退

旅人雍人之屬旅食者也雍人言入旅人言退文互相備也出入之由亦如舉鼎者七俎每器一人多諸侯官

大夫長盥洗東南西面北上序進盥退者與進者交于前卒盥序進南面七

長以長幼也序猶更也前洗南

載者西面。

載者左人也。亦序自鼎東西面於其前。大夫七則載之。

魚腊飪。

飪熟也。食禮宜熟饗有腥者。

載體進奏。

體謂牲與腊也。奏謂皮膚之理也。進其理本在前下。大夫體七個。

魚七縮俎寢右。

右首也。寢右進馨也。乾魚近腴多骨鯁。

腸胃七同俎。

以其同類也。不異其牛羊腴賤也。此俎實凡二十八。

倫膚七。

倫理也。謂精理滑脆者。今文倫或作論。

腸胃膚皆橫諸俎垂之。

順其在牲之性也。腸胃垂及俎拒。

大夫既七。七奠于鼎。逆退復位。

事畢宜由便也。士匕載者。又待設俎。

公降盥。

將設醬。

賓降。公辭。

辭其從己。

卒盥公壹揖壹讓公升賓升

揖讓皆一殺于初
古文壹皆作一

宰夫自東房授醯醬

授授公也醯
醬以醯和醬

公設之

以其爲
饌本

賓辭北面坐遷而東遷所

東遷所奠之
東側其故處

公立于序內西鄉

不立阼階
上示親饌

賓立于階西疑立。

不立階上以主君離阼也疑正立也自定之貌今文曰西階

宰夫自東房薦豆六設于醬東西上韭菹以東醯醢昌本昌本南麋醢以西菁菹鹿醢

醢醢醢有醢昌本昌蒲本菹也醢有骨謂之醢菁蕒菁菹也今文醢皆作麋

士設俎于豆南西上牛羊豕魚在牛南腊腸胃亞之

亞次也○不言緝錯俎尊也○緝側耕反

膚以爲特

直豕與腸胃東也特膚者出下牲賤

旅人取七甸人舉鼎順出奠于其所

以其空也其所謂當門

宰夫設黍稷六簋于俎西二以竝東北上黍當牛俎其西稷錯以終南陳

竝併也今文曰併古文簋皆作軌

大羹湑不和實于鐙宰右執鐙左執蓋由門入升自阼階盡階不升堂授公以蓋降出入反位

大羹湑羹肉汁也大古之羹不和無鹽菜瓦豆謂之鐙宰謂大宰宰夫之長也有蓋者饌自外入為風塵今文湑為汁又曰入門自阼階無升

公設之于醬西賓辭坐遷之

亦東遷所

宰夫設鉶四于豆西東上牛以西羊羊南豕豕以東牛。

實 鉶菜和羹之器

飲酒實于觶加于豐。

公 豐所以承觶者也如豆而卑

宰夫右執觶左執豐進設于豆東。

實 食有酒者優賓也設于豆東不舉也燕禮記曰凡奠者於左

宰夫東面坐啓筵會各卻于其西。

公 會筵蓋也亦一令卻之各當其筵之西

贊者負東房南面告具于公。